

Transkription von Urkunde ZET 1496c

Ort, Datierung: Zerbst, 1496-02-09

Signatur: Stadtarchiv Zerbst, IA, 309

Inhalt: Rat der Stadt Zerbst: Rentenverkauf

Wie Borgermeister Rathmann vnde Borger Gemeyne Der Stadt Czerwist Bekennenn Jn diesszem unnszem Apennen briüe vor / vns vnde alle vnnsze Nakomlinge vnd(e) vor allen Den Die diesszen vnnszen brieff Sihen adder horn leszen Dat wie Eyndrechtlickenn / met Rade willen vnd(e) fulbort vnnszer aller vdt vnnszer Stadt bereidisten Renthen tinszen Schöte to fellen vnd(e) uppböringen van / vnnszem Rathausze Alle Jar Jerlicken negen Rinssche gülden tinsze to Eynem Rechten wedderkopphe Deme Erszamen Cūnen Emden / Borger der Aldenstadt magdeborch synen Rechten Eruen vnd(e) Erffneme(re)n vor anderhalffhundert Rinissche gulden hofftsum(m)a Recht / vnd(e) Reddellicken vorkofft hebben vnd(e) vorkopen ön die Jn vnd(e) met krafft disszes briües welke anderhalffhundert Rinissche gulden / wie van öm gantz tor nüge wol todancke Jn eyner sum(m)a entfangen vnd(e) Jn vnszer Stadt Nütt Ere vnde beste wue des noit dede / wittlicken gekeret vnd(e) gewanth hebben Die suluigen Negen Rinissche gulden Jerlicker Renthe Reden vnd(e) lauen wie Ergna(n)ten / Borgermeister Rathman(n)e vnd(e) Borger Gemeyne Der Stadt Czerwist Deme gedachte(n) Cüne(n) Emden syne(n) Rechten erue(n) adder erffneme(ren) / Alle Jar ierlicken vpp den Szondach Inuocauit Jn der Alden Stadt Magdeborch ane allen ore(n) schadin gutlicken woltodancke to Reicken / to geuen vnd(e) to bethalen Aller gerichte vmbekum(m)ert vnd(e) unüorbadin vor alszwem(e) Doch behalten wie gna(n)ten vorkophere Die macht / Jn diesszem briüe Dat wie sodann(e) negen gülden tinsz met anderhalffhünd(e)rt Rinissche gulden hofftsum(m)a welches Jares wie können / willen adder mogen welcher aüekophen Doch alsze Dat wie dem(e) gnanten wedderkoph önn Eyn ferndel Jares vor der tinsztied / vorkundigen vnd(e) wittlicken dhön vnd(e) denn(e) Na Der vorkündunge Sodann Anderhalffhundert rinissche guldenn to / sampt Den tinszenn vnde effte der ok welke hinderstellig vmbetalet vnd(e) to geuen vorbleuen wern gütlicken wol / to dancke to Reiken(n) to geüenne vnnde thobethalenne vnnde wanner Sodanne bethalinge Der hofftsum(m)a vnd(e) ok der tinsze / Also geschien isz Dann(e) vnd(e) nicht ehr Sall dissze vnnsze vorschriuu(n)ge vnd(e) kopph vns vnd(e) vnnszenn Nakomlingenn / gantz machtlosz vornichtiget vnnde vnkrefflich syenn vnd(e) bliuen Alle puncta stücke vnd(e) artikelle Diesszes briües Reden / vnde läüenn wie velgna(n)tenn Borgermeister Rathmann vnd(e) Borger Gemeyne Der Stadt Czerwist vor vns vnde / Alle vnnsze Nakomelinge Stede vahste vnd(e) vnüorrückt tohaldenn Des To Groter Orkunde Sekerheit Stede vnd(e) rechter / haldunge hebben Wie offtgemelten Borgermeister Rathmann vnd(e) borger Gemeyne vor vns vnnd(e) vnnsze Nakomlinge / vnnszer Stadt Grothe Ingeszegelle met vnnszem güden wetten willen vnd(e) fulbort vnden an diesszen vnnszen brieff hengenn / Den Gegeuenn vnd(e) Geschreuen nach Goddis Geborth düsent virhundert Darna Jndeme Seszvnde negentigistenn Jhar / Dinstages Na vnnszer liuen fruwen Dach lichtmisszenn